




中國大事記



民國六年三月十六日

●交通部派員赴日參與中日鐵路聯絡運輸會議……日本定四月一日起。在東京開中日鐵路聯絡運輸第五次會議。並擬於會議完竣時。開紀念祝賀會。招待中國關係交通各員。由駐京日本代理公使函致外交部轉達交通部。當由交通部呈准大總統。照原案派聯運會議委員外。又派次長王黻煒等十九員。參列祝賀會。并考查日本路郵電航事宜。於本月二十七日啓程赴日。

●直隸湖北兩省接收天津漢口德租界……天津漢口兩處。舊有德國租界地。自我國與德絕交後。直隸湖北兩省長官。即奉政府命令。各派員向駐津駐漢德國領事。接收租界。更名爲特別區。特設臨時管理局。將舊有巡捕。改編警察。又在上海廈門等通商口岸之德國商船。亦均歸我國收管。惟廣州德礮艦艇青島號。由德人自行炸毀。

同 十七日

●駐滬法領事解散上海同濟醫工大學……同濟醫工大學。在上

東方雜誌 第十四卷 第五號 中國大事記

海法租界內。爲德人寶隆醫生創設。至今已屆十載。我國政府亦補助經費。自我國與德絕交後。政府即籌擬接收自辦。尙未就緒。本日。駐滬法總領事。派捕將該校解散。旋經教育部派員到滬。與該校董事協籌善後辦法。當將該校遷入吳淞中國公學舊址。由部另派校長。仍留德人爲教員。經已照常開學矣。

同 十八日

●財政部通告京外停付德款……財政部因中德邦交既經斷絕。所有雙方債務關係。自應照國際慣例。暫行停付。特通咨中央各部稅務處。並電致各省。一律停止支付。另款存儲。不得挪用。此項款項。擬定暫存中國銀行。嗣協約各國。出而反對。主張此款應存外國銀行。經外交部迭次交涉。迄未解決。

同 十九日

●奉天新民屯兵變……奉天第五十三旅旅長湯玉麟。前奉令調往新民屯駐紮。其所部五營。有兩營突然譁變。搶掠商民。經奉天督軍第二十七師師長張作霖。訓令湯玉麟調省另候任用。湯未俟交代。即行離新。

同 二十日

●內務部召集警務會議……內務部爲改良全國警政。徵集意見。特召集京外警務機關入員。會議於北京。本日行開會式。

●駐京荷使照會外交部照料德國在華利益：我國與德絕交後。德國在華利益。經德政府請駐京荷蘭公使代爲照料。本日由荷使照會外交部。

●法人在華繼續招工……上年八月間。法人與天津惠民公司。訂立合同。招募華工赴法。近日又來華繼續招工。駐法公使胡維德。特條列商權六條。函請農商部轉咨各省審慎辦理。並由部派李駿爲管理旅法華工專員。

同 二十一日

●公布科布多補選參議院議員日期令……令見法令門。

●國務院查覆國會咨請查辦江西省長戚揚案……國會日前通過查辦江西省長戚揚案。咨請政府查辦。經國務院派員查明被揭各款。或傳聞失實。或情事未符。於本日呈奉大總統免予置議。

●日人在魯販買制錢交涉……日人前在山東因販買制錢。槍傷警察。嗣復聚眾滋鬧兵工廠。經該省交涉員迭向日領抗議。並由外部與駐京日使交涉。迄未解決。現聞我國已允將以前截獲之制錢。交還日人。並定二個月後。禁止收買。

同 二十二日

●海軍部呈准處分海容軍艦與新裕商輪相碰案……招商局新裕

商輪。於上年四月間被海容軍艦撞破沈沒案。經海軍部在滬開會審查。現已完竣。呈請將海容軍艦艦長甘聯璈航海正陳拔職。本日奉指令照准。

同 二十三日

●保利銀公司宣告解散……全國商會聯合會。前組織保利銀公司。收鍊全國制錢。與財政部訂立借款合同及收鍊制錢合同各一份。經國務院提交國會。現因議院對於所訂合同。多所修正。不利於保利公司。遂宣告解散。

同 二十五日

●陝西藍田縣兵變……陝西藍田縣駐軍譚變。搶劫官署商店。旋即竄散。

●駐京德使起程歸國……駐京德使辛慈接我國發送護照請其離去中國領土後。因病屢請延期出京。本日始由京起程赴滬。我國政府特備專車並派員護送。由滬轉乘荷蘭商輪歸國。駐各地德國領事。亦均先後出境。

同 二十六日

●廣東督軍陸榮廷入京……陸榮廷因籌商廣東軍事財政事宜。日前由粵啓程。於本日抵京。

同 二十八日

●舉行文官普通考試……派馬其昶爲典試官。章宗元爲副典試官。

同 二十九日

●財政部通令各省整理內外債款……財政部前舉行財政會議。由會員提出整理各省內外債款議案。經全體表決。本日。由部將原審查報告書勅發各省財政廳長分廳長。令遵照辦理。其要領條列如下。

(甲)限制各省自行舉債。其有特別為難情形。亦應據實呈報財政部核准。方可訂借。

(乙)調查各省現有新舊債額。(丙)審核各省現有債款之擔保品收入情形。暨確定償還本息方法。(丁)推廣中央公債保證用途。(戊)提倡設立證券交易所。(己)勸導商號銀行營辦公債放款。(庚)規定經理內國公債機關。換發債票期限及辦法。(辛)飭令地方官廳設法招徠鄉民如期領取債息。(壬)新發之五年公債票。凡財政廳經理者。應加蓋財政廳圖章。以示鄭重。

●國會咨請政府不得收買存土……衆議院議決政府不得收買存土案。以本年為中英禁煙條約禁絕鴉片之期。政府近有以公債票購買上海土商存土之舉。又公債票為國庫負擔。未經國會議決。政府不得違背約法。與土商訂約。將議決案咨付參議院通過。咨請政府依法施行。旋由政府復稱。收買存土。係政府行政處分。不在約法所定議院議決權限之列。政府亦并未因收買存土而新募公債。該案遵照約法。未便公布施行。

同 三十日

●外交部承認俄國新政府……俄國近日發生革命。俄皇退位。

新政府業已成立。本日。由外交部照會駐京俄使。正式承認俄國新政府。並令駐俄公使向俄政府送遞承認公文。國會亦發電俄國國會致賀。

四月 一日

●俄兵在北滿搶劫華商交涉……吉林中東路沿線一帶。迭次發現俄兵搶劫華商傷斃人命情事。已由吉省電請外交部向駐京俄使交涉。

●上海租界各烟土店閉歇……上海公共租界法租界內土棧烟膏店等。經工部局限令本年三月內一律收歇淨絕。本日將各土店執照收回。完全閉歇。

●江蘇督軍公署失火……江蘇督軍公署內宅。本日午後。因電燈走火失慎。延燒房屋多間。

同 二日

●粵省續借日款……粵省前向日本臺灣銀行借款三百萬圓。業經中央覆准。現因仍不敷用。再向該行續借三百萬圓。

同 四日

●駐京荷使抗議收回德租界……我國對德絕交後。即將天津漢口等處德國租界收回。荷使以德國已將在華利益託其代表。向外交部提出抗議。謂中德雖經絕交。並未宣戰。不能適用敵國之待遇。邊將租界收回。

同 八日

33674

●司法部呈准浙江審檢所結束辦法……浙江省長齊耀珊。前因未奉司法部核准。遽將各縣審檢所裁撤。被浙人指摘。經部認為越權。將其處分撤銷。本月七日呈奉大總統指令照准。並令部速擬結束辦法。旋由部擬定將浙省各縣審檢一律裁撤。所有司法事務。暫由各知事兼理。本日呈奉大總統指令照准。惟浙江省議會對於省長此舉。已提出彈劾案。

同 十日

●特任陸榮廷為兩廣巡閱使陳炯明署廣東督軍譚延闓署廣西督軍

同 十一日

●舉行故勳一位陸軍上將黃興蔡鍔國葬……黃興蔡鍔。前經國會議決予以國葬。蔡於本月十二日黃於十五日先後歸葬湖南。中央及各省均照國葬法舉行國葬典禮。

●駐京美使通告美國與德宣戰……美國與德絕交後。近又向德宣戰。本日。由駐京美使通告我國政府。

同 十三日

●奉天鄭家屯日兵撤退……中日鄭家屯交涉解決後。我國均已照議決條件履行。現駐在該處日兵。亦已實行撤退。

